

LU CASINU DI DONNA CARMELA

**C'era na vota na Deputata / ca vonsi livari casini e burdelli,
putìa pinsari ca bastava un Cunsigliu / pi continuari a friquintalli,
chiddru di l'antra sira pi l'acqua nquinata / nun è certu na cosa rara,
scuncirtati di stu tiatru / la genti scappà cu l'uecchi di fora.**

**Ca l'acqua niscissi di li rubinetta / cu un culuritu nun certu pulitu,
nun lu putìa nigari nuddru / mancu un miraculu di Santu Vitu,
lu stessu ca aspetta tecchia mpazienti / ca quarcunu lu v`a a visitari,
picchè nuddru `a caputu / si calla o fridda / st'acqua all'urtimu si po' usari.**

**Vinniru tutti a fari passerella / comu li valletti di Maik Bongiorno,
po' si misiru a sciarriari, fari vuci / gridannu parulazzi pi contornu,
sunnu tutti ipocriti e strunzi / eranu d'accordu / pi l'acqua privatizzari,
ora fannu li gnorri comu li struzzi / ma nzina l'aria ni vuenno livari.**

Caniatt` 11 novembre 2009

Totò Treppiedi

Indice poesie: <http://www.solfano.it/treppiedi/index.html>

Pagina principale: <http://www.solfano.it>